

Orguyo i Bèrgwensa

E palabra orguyo awor a haña un otro definishon. Fuera di e nifikashon ku kua nos a kustumbrá, orguyo awor ta e palabra ku lo identifiká e organisashon nobo homo- i biseksual na Kòrsou.

Talbes hopi hende lo haña e movimentu aki i su metanan aseptábel. Ma si nos ta mira kiko organisashonnan asina a hasi na otro parti di mundu, nos mester konkluí ku maske kon mansu nan metanan por parse, nan lo promové homoseksualidat, nan lo bringa pa leinan ku lo favorecé nan riba e gran mayoria di hende ku ta heteroseksual, i nan lo purba indoktriná nos komunidad pa aseptá homoseksualidat komo normal, sano, i salú.

Enkuestanan den último añanan rípitidamente a dokumentá ku e kantidat di adultonan ku ta praktiká aktonan homoseksual ta forma solamente 1 te 3 porshent di e poblashon. Pero e porsentahe chikitu aki lo bringa pa henter nos komunidad akomodá nan.

Bo ke pa bo yu tineidjer haña lès na skol di un homoseksual, promoviendo su sistema di bida baho. Lo bo ke pa un grupo di lèsbian ku flanèl ku ta bisa "nos ta reklutá" duna bo yu di 8 aña mangel na porta di su skol huntu ku un foyeto ku ta bisa "muchu muhé ku ta stima muchu muhé i hende muhé ku ta stima hende muhé ta o.k.?" Organisashonnan homoseksual a hasi esakinan na Merka.

I kiko di nan promoshon di homoseksualidat komo algu normal, sano, i salú? Echu ta ku homoseksualidat ta karakterisá pa inmoralidat riba un eskala spantoso. Na aña 1978 e organisashon merikano, "The Institute for Sex Research," a haña ku solamente 10% di hòmbenan homoseksual tabatin un òf poko partner seksual, miéntras ku 60% tabatin por lo ménos 250 partner seksual durante nan bida, i 28% homoseksual maskulino tabatin mas ku mil diferente partner seksual. Ademas, 79% di e homoseksualnan a atmití ku mas ku mitar di nan partnernan seksual tabata stranhero. Inmoralidat flagrante asina por ser konsiderá komo un sistema bida normal, sano, i salú?

E aktonan di homoseksualnan por ser deskribí komo sumamente fis, ahigiéniko, i tin bes asta sadístiko. Un estilo di bida asina ta normal, sano, i salú?

Enfermedat venérikò di tur klase ta resultado di nan bidanan parotin i práktikanan grosero. Un homoseksual tin sinku bes mas chèns pa kontagiá sífilis ku un pèrsona heteroseksual. Hepatitis B, gonorea di ano, i kanser di ano ta típiko entre homoseksualnan. Maske awendia ken ku ta por kontagiá AIDS, su orígen tabata den e komunidad homoseksual i te awe un gran proporshon di homoseksualnan ta HIV seropositivo den komparashon ku heteroseksualnan. Dr. William Foege, direktor di Sentronan pa Kontròl di Enfermedat na Merka, a revelá na aña 1983 ku "E víktima averahe di AIDS tabatin 60 partner seksual den e último 12 luna. Segun estadístika di yùni, 1992, 59% di tur kaso di AIDS na Merka tabata resultado di homoseksualidat maskulino. Tambe 70% di tur kaso di A ___? Merka ta entre hòmbenan homo- òf biseksual. Un otro sífra asombrante ta solamente 1% di homoseksualnan maskulino ta muri di biehes.

Ta klaro ku e estilo di bida homoseksual ta ni normal, ni sano, ni salú! Nos Kreadó, sabiendo esei, a prohibí tur akto homoseksual. "No ta pèrmití pa bo drumi ku hende hòmber manera hòmber sa drumi ku muhé; ta abominashon. Si un hòmber drumi ku otro hòmber manera hòmber sa drumi ku muhé, nan tur dos a kometé un akto abominabel; mester laga mata nan sin falta" (Levítiko 18:22; 20:13). "...ni sodomitanan ni esnan ku ta wòrdu usá p'esei...lo heredá reino di Dios" (1 Korintionan 6:10). Ta klaro ku Palabra di Dios ta kondená aktonan homoseksual komo piká, i ta mustra ku e konsekuensia di homoseksualidat ta separashon eterno for di Dios.

Maske Dios ta odia aktonan homoseksual komo piká, E no ta odio a pèrsona. Dios ta stima e lèsbian, e homo- i biseksual. Esei ta e aktitut korekto: stima e homoseksual, ma odia su piká! Pues, maske nos por stima e pèrsona ku ta praktiká aktonan homoseksual, nos no por aseptá Orguyo, un movimentu ku ta promové piká.